



CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E O CENTRO TECNOLÓXICO DE AUTOMOCIÓN DE GALICIA (CTAG) CO FIN DE ACOLLER BOLSEIROS/AS PARA A ADQUISICIÓN DE COMPETENCIAS PROFESIONAIS EN MATERIA DE INTERNACIONALIZACIÓN EMPRESARIAL

En Santiago de Compostela, a 19 de febreiro de 2019

REUNIDOS

Dunha parte, D. Juan Manuel Cividanes Roger, en representación do Instituto Galego de Promoción Económica (Igape), con CIF Q6550010J e domicilio no Complexo Administrativo de San Lázaro s/n 15703 Santiago de Compostela (A Coruña). Está facultado para este acto en virtude da delegación de facultades do 23 de decembro de 2016 do presidente do Igape, feita pública mediante Resolución do 25 de xaneiro de 2017 (DOG nº 23, do 2 de febreiro de 2017).

E doutra parte, D./D^a con D.N.I. en calidade de Director Xeral en representación da FUNDACIÓN PARA LA PROMOCIÓN DE LA INNOVACIÓN, INVESTIGACIÓN Y DESARROLLO TECNOLÓGICO EN LA INDUSTRIA DE AUTOMOCIÓN DE GALICIA (en diante CTAG), con C.I.F. G-36.871.424 e domicilio no Polígono Industrial A GRANXA, Calle A - Parcelas 249-250, 36475 O Porriño (Pontevedra). Está facultado para este acto con poderes suficientes en virtude do establecido polos Estatutos do CTAG.

As partes recoñécense mutuamente capacidade xurídica suficiente,

EXPOÑEN

- 1.- Que mediante Resolución da Dirección Xeral do Igape do 13 de abril de 2018 publicáronse as bases reguladoras do Programa de adquisición de competencias profesionais en materia de internacionalización empresarial.
- 2.- Que estas bases regulan a concesión dun máximo de 40 bolsas de formación práctica -no ámbito da internacionalización empresarial- para realizar labores de investigación de mercados, estudo de empresas e a súa planificación para internacionalización e, para investigación das posibilidades de cooperación internacional entre empresas galegas e estranxeiras.
3. - Que os posibles destinos dos/as bolseiros/as indicados/as nas bases son: oficinas de Igape e Xunta, oficinas comerciais de España no exterior, cámaras de comercio españolas no estranxeiro, organismos multilaterais, organismos intermedios galegos, centros de investigación, empresas e/ou outros organismos en Galicia ou no estranxeiro.
- 4.- Que ambas organizacións coinciden no interese de colaborar en accións que faciliten o acceso das empresas a novos mercados, a formación de persoal especializado en internacionalización, e acceso das empresas galegas a profesionais con este perfil.



5.- Que, convido aos lexítimos intereses dos comparecentes, acordan regular a dita colaboración de acordo coas seguintes

CLÁUSULAS

PRIMEIRA.-

É obxecto do presente convenio regular as relacións de colaboración entre o Igape e CTAG para a acollida dun bolseiro da convocatoria do Programa de adquisición de competencias profesionais en materia de internacionalización empresarial.

SEGUNDA.-

A duración inicial da bolsa no organismo de acollida é de 10 meses e a data de comezo estímase durante o mes de marzo de 2019. A dita duración poderá ser prorrogada polo Igape por un período máximo de doce meses adicionais en consideración á conveniencia de finalizar ou completar unha etapa da formación que xa estivesen comezadas ou a piques de comezar na data de finalización da bolsa, sempre e cando CTAG acepte a prolongación da estadía.

A dotación da bolsa será pagada integramente polo Igape ao/a bolseiro/a, e inclúe todos os impostos de carácter persoal así como a Seguridade Social. O Igape non aboará ningunha cantidade á entidade colaboradora. No caso de que das tarefas encomendadas polo organismo se incorra noutros gastos non cubertos polas bases reguladoras do programa, estes gastos serán por conta do organismo.

O Igape asignará o bolseiro a CTAG tendo en conta a puntuación final obtida polo bolseiro na resolución definitiva, e as súas preferencias.

O Igape poderá substituír ao bolseiro no caso de renuncia do bolseiro anterior ou por cambio de destino por causa xustificada.

TERCEIRA.-

A colaboración de CTAG consistirá en:

- A execución, dentro do horario laboral, do plan de formación plantexado por CTAG, que se une como anexo ao presente convenio.
- A realización, a través do/a(s) titor (es/as) proposto/a (s) e que se indica no anexo ao presente convenio, do seguimento da actividade desenvolta polo/pola bolseiro/a dentro do programa de formación establecida, e a provisión do asesoramento necesario para o seu correcto desenvolvemento e integración.
- A realización e envío ao Igape de informes acumulados trimestrais de execución e resultados do programa de formación, así como o informe final.



- Permitir a execución por parte do/da bolseiro/a de tarefas complementarias que o lgape lle poida asignar así como a participación en reunións, seminarios, etc. aos que o/a bolseiro/a sexa convocado/a polo lgape, sendo neses casos por conta do lgape os gastos de desprazamento, que se aboarán directamente ao/a bolseiro/a como parte da dotación da bolsa.
- A posta a disposición das instalacións e os medios apropiados para o desenvolvemento da bolsa.
- A inclusión do/a bolseiro/a no plan de prevención de riscos de CTAG, asegurándose de que é coñecedor do dito(s) plan(s).
- O/a bolseiro/a deberá cumprir co réxime de ordenamento interno de CTAG.
- Subministrar toda a información necesaria para que o lgape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da devandita lei.

CUARTA.-

As actividades do/a beneficiario/a serán en todo caso formativas, sen que en ningún suposto poida ostentar a condición de responsable, nin tan sequera de facto, da execución de calquera tipo de actividade. O/a bolseiro/a deberá estar en todo momento supervisado e controlado polo/a (s) titor/a (s) que se lle designe, que será quen adopte calquera decisión que se considere necesaria e vele porque o/a beneficiario/a aproveite con éxito o proceso de formación.

Os dereitos e obrigas establecidas en virtude do presente convenio de colaboración non presupoñen relación laboral nin de servizos entre CTAG e o/a bolseiro/a.

QUINTA.-

A entrada en vigor do convenio será desde a data efectiva de incorporación do/a bolseiro/a a CTAG. A súa duración será de 10 meses podendo prorrogarse por doce meses adicionais se existe conformidade ao respecto polas dúas partes.

SEXTA.-

As controversias que puidesen xurdir da interpretación do presente convenio resolveranse por unha Comisión Mixta constituída por un representante designado por cada unha das partes e presidida polo director xeral do lgape, a cal se reunirá a convocatoria de calquera dos seus membros, poñendo os seus acordos fin á vía administrativa e correspondendo contra os mesmos recurso contencioso-administrativo ante os Xulgados de Santiago de Compostela.

SÉTIMA.-

As partes poderán modificar ou resolver o presente convenio en calquera momento por mutuo acordo. Así mesmo, poderán denunciar o presente convenio en calquera momento por vontade expresa de calquera das partes cun preaviso de quince días naturais.

A entidade colaboradora someterase aos mecanismos de inspección e de control que o lgape considere convintes, vinculadas ás actividades formativas dos beneficiarios en relación coa bolsa concedida

O incumprimento de calquera das obrigas contraídas no presente convenio por unha das partes facultará á outra para resolver o mesmo, cos efectos que legalmente procedan.



OITAVA.-

CTAG consinte expresamente a inclusión dos datos persoais e relevantes deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, e poderá exercer os seus dereitos de acceso, rectificación, cancelación e oposición respecto do contido dos rexistros antes citados ante a Dirección Xeral do Instituto Galego de Promoción Económica, sito no Complexo Administrativo de San Lázaro s/n, 15703 Santiago de Compostela.

NOVENA.-

O presente convenio ten natureza administrativa e rexerase polas súas propias cláusulas e no disposto por elas, polas normas de Dereito Público español, isto é, a Lei 39/2015, do 1 de outubro, do procedemento administrativo común das administracións públicas e demais normas subsidiarias.

O presente convenio obriga ao cumprimento do expresamente pactado, someténdose as partes ao acordado en tódalas estipulacións, e como proba de conformidade asínase por duplicado exemplar no lugar e data arriba indicados.

Polo Igape:

Polo CTAG:

Asdo.: Juan Manuel Cividanes Roger

Asdo.:



ANEXO PLAN DE FORMACIÓN	
NOME TITOR/A BOLSEIRO/A:	Chantal Millet
MERCADOS DE INTERESE:	ALEMAÑA, FRANCIA, MARROCOS, REINO UNIDO, ISRAEL
ACCIÓNS INTERNACIONALIZACIÓN PREVISTAS 2019/2020:	Visitas a feiras - Automotive Testing Expo Europe 2019 e 2020 - Autonomous Vehicle Technology Expo 2019 e 2020 - Automotive Interiors Expo Europe 2019 - Battery Experts Forum 2019 - The Battery Show Europe 2019 - ITS European congress 2019 - Automotive seating Europe 2019 e 2020 - Salon de la sous-traitance automobile Tanger - JEC world 2020 Misións directas: - ISRAEL Misións inversas con motivo do congreso MATCOMP en Vigo
PLAN DE TRABALLO E TAREFAS DO/A BOLSEIRO/A:	- Coñecemento da actividade de CTAG - Axuda na preparación de participación en feiras e eventos (preparación de stand, material promocional, presentacións) - Seguimento de contactos tras participación en eventos e feiras - Realización de estudo de mercado e análise da competencia internacional - Participación en tarefas de apoio relacionadas con novos potenciais clientes